

藝風堂文續集

藝風堂文續集卷四

汪陰繆荃孫

永樂大典考

永樂大典二萬二千八百七十七卷凡例目錄六十卷共爲
萬二千冊明成祖永樂元年癸未九月詔學士解縉以韻字
類聚經史子集天文地志陰陽醫卜僧道技藝之言爲一書
越年奏進賜名文獻大成與其事者凡一百四十七人上覽
書嫌未備復命太子少保姚廣孝刑部侍郎劉季篪與縉同
監修而以翰林學士王景侍讀學士王達國子祭酒胡儼司
經局洗馬楊溥儒士陳濟爲總裁以翰林侍讀鄒輯修撰王
褒梁潛吳溥李貫楊觀會榮編修朱紘檢討王洪蔣驥潘畿
王偁蘇伯厚張伯穎典籍梁用行庶吉士楊相左春坊左中

允尹昌隆宗人府經歷高得賜吏部郎中葉砥山東按察使
僉事晏壁爲副總裁中外宿師老儒充纂修國學縣學能書
生員繕寫開館于文淵閣光祿寺給朝暮膳司事凡三千一
百六十九人本年戊子冬書成改名冠以御製文序姚廣孝
等進書表並命復寫一部鍍諸梓以永樂化年十月訖王後
以工費浩繁而罷定都北京以後移貯文樓按文樓卽今孝
之宏義閣宗雅好讀書常置案頭嘉靖四十一年壬戌禁中火世宗亟
命救出申諭再四幸未被焚因選禮部儒士程道南等一百
八人重錄正副本命高拱張居正校理書手一百八名每人
日三葉至隆慶改元始畢仍歸原本於南京其正本貯文淵
閣副本別貯皇史宬萬曆二十二年甲午南京祭酒陸可教

請分頒巡方御史校刊議允未行我

世祖章皇帝萬幾之暇嘗以是書充覽正本因留乾清宮副本在

皇史宬者因恭藏

聖祖仁皇帝實錄屏當書架移貯翰林院臨川李穆堂侍郎

敏在書局首先借觀鄞縣全謝山先生祖望時寓侍郎邸因

與侍郎定爲日課日盡二十卷以所簽分令四人鈔之一日

所簽或至浹旬未畢其難如此會纂修三禮謝山語總裁方

望溪侍郎苞鈔三禮之不傳者而副本缺失二千四百二十

二卷儼奏請發宮中正書補足之亦未果祁門馬嶢谷日珩

仁和趙谷林昱均爲謝山致鈔資而謝山改知縣未久於其

事鈔出者宋田氏學易蹊徑二十卷高氏春秋義宗百五十
卷曹粹中詩說王安石周官新義劉公是文鈔唐說齋文鈔
史真隱尚書周禮論語解二袁先生文鈔元寶萃酒耘先生
令譜今周官新義劉公是文二袁先生文均成書有傳本除未聞杭堇浦世駿續禮記集
說所采宋元人說半出於大典乾隆壬寅

詔修四庫全書大興朱笥河學士鈞請將大典中古書善本
世所罕見者擇取繕寫各自爲書以復舊觀得

旨允行編入 四庫者三百六十五種附存目者又一百有
六種第諸書輯散爲整考訂不易有業經輯出而未及進呈
者如宋元兩鎮江志嘉泰吳興志嘉定維揚志奉天錄九國
志之類亦復不少嘉慶丁巳乾清宮災正書遂燬而修全唐

文時大興徐星伯先生松曾鈔出宋會要五百卷中興禮書

一百五十卷河南志三卷祕書省續到闕書二卷仁和胡書

農學士敬鈔出施諤臨安志十六卷大元海運記一卷孫文

靖公用準鈔出仇遠山村詞及道光戊子重修一統志嘉興

錢心壺給諫儼吉曾奏請重輯大典未盡之書

諭埃統志修畢再行核辦新安相國頗以爲多事迫志成而

西郵兵起給諫亦降官無人敢理此事矣原書萬餘冊恭皮

而敬高竦網塵封無人過問咸豐庚申與西國議和使館

林立與翰林院密邇書遂漸漸遺失光緒乙亥重修翰林院

衙門度置此書不及五千冊嚴究館人交刑部斃於獄而書

無著余丙子入翰林詢之清祕堂前輩云尙有三千餘冊請

觀之則羣睨而笑以爲若庶常習散館詩賦耳何觀此不急之務爲且官書焉能借迨丙戌志伯愚侍讀銳始導之入

敬立亭觀書並允借閱每冊

高一尺六寸五分廣九寸五分

以至蠶黃絹連腦

包過硬面宣紙朱絲闌每葉八行每行

大十五字小三十五字

朱筆句讀

書名或朱書或否乾隆閒館臣原籤尙有存者前後閱過九百餘冊而余于內艱矣零落不完毫無鉅帙鈔出宋十三處戰功錄曾公遺錄順天志瀘州志宋中興百官題名國清百錄諸書癸巳起復詢之則贖六百餘冊庚子鉅劫翰林院一段皆劃入使館舊所儲藏均不可問大典只存三百餘冊正書早歸天上副本亦付劫灰後之人徒知其名而已可勝歎

哉

目錄六十卷山西靈石楊氏連筠篋叢書刻之

四庫著錄三百六十有五種

周易口訣義六卷

唐史 徵

易學辨惑一卷

宋邵伯溫

讀易詳說十卷

宋李 光

周易窺餘十五卷

宋鄭剛中

易變體義十二卷

宋都 絜

易原八卷

宋程大昌

易說四卷

宋趙善譽

易傳證四卷

舊本題宋徐總幹撰不著名

厚齋易學五十二卷

宋馮 椅

易象意言一卷

宋蔡 淵

周易詳解十六卷

宋李杞

讀易舉要四卷

宋俞

周易象義十六卷

宋丁易東

易纂言十卷

元吳澄

易精蘊大義十二卷

元解蒙

易學變通六卷

元曾貫

乾坤鑿度二卷

周易乾鑿度二卷

易緯稽覽圖二卷

易緯辨終備一卷

易緯通卦驗二卷

易緯乾元序制記一卷

易緯是類謀一卷

易緯坤靈圖一卷

禹貢指南四卷

宋毛晃

禹貢論五卷後論一卷山川地理圖二卷

宋程大昌

尚書講義二十卷

宋史浩

尚書詳解二十六卷

宋夏竦

禹貢說斷四卷

宋傅寅

五誥解四卷

宋楊簡

絮齋家塾書鈔十二卷

宋袁燮

尚書精義五十卷

宋黃倫

融堂書解二十卷

宋錢時

洪範統一卷

宋趙善湘

慈湖詩傳二十卷

宋楊簡

續呂氏家塾讀詩記三卷

宋戴溪

絮齋毛詩經筵講義四卷

宋袁燮

毛詩講義十二卷

宋林岳

詩續緒十八卷

元劉玉汝

周官集傳十六卷

元毛應龍

儀禮識誤三卷

宋張

儀禮集釋三十卷

宋李如圭

儀禮釋宮一卷

宋李如圭

月令解十二卷

宋張處

春秋釋例十五卷

晉杜預

春秋傳說例一卷

宋劉敞

春秋辨疑四卷

宋蕭楚

春秋經解十二卷

宋崔子方

春秋例要一卷

宋崔子方

春秋通訓六卷

宋張大亨

春秋考十六卷

宋葉夢得

春秋讞二十二卷

宋葉夢得

春秋集注四十卷

宋高閏

春秋左氏傳續說十二卷

宋呂祖謙

春秋講義四卷

宋戴溪

春秋說三十卷

宋洪咨夔

春秋三傳辨疑二十卷

元程端學

春秋繁露十七卷

漢董仲舒

孝經述注一卷

明項龜

蒙齋中庸講義四卷

宋袁甫

瑟譜六卷

元熊朋來

韶舞九成樂補一卷

元余載

律呂成書二卷

元劉瑾

方言十三卷

舊本題漢揚雄撰晉郭璞注

切韻指掌圖二卷附檢例一卷

宋司馬光撰其檢例則邵光祖所補

舊五代史一百五十卷目錄二卷 宋薛居正等撰

中興小紀四十卷 宋熊克

續資治通鑑長編五百二十卷 宋李燾

建炎以來繫年要錄二百卷 宋李心傳

兩漢年紀三十卷 宋王益之

兩朝綱目備要十六卷 不著撰人名氏

東觀漢記二十四卷 是書於漢明帝時刪修後遞有增損至熹平中乃成書

續後漢書九十卷 元郝經

咸淳遺事二卷 不著撰人名氏

大金弔伐錄四卷 不著撰人名氏

汝南遺事四卷 元王鷄

讜論集五卷 宋陳次升

魏鄭公諫續錄二卷 不著撰人名氏

京口耆舊傳九卷 不著撰人名氏

唐才子傳八卷 元辛文房

蠻書十卷 唐樊綽

水經注四十卷 後魏酈道元

江南餘載二卷 不著撰人名氏

河防通議二卷 元沙克什

治河圖略一卷 元王喜

嶺表錄異三卷 舊本題唐劉恂

嶺外代答十卷 宋附去非

吳中舊事一卷

元陸友仁

河朔訪古記二卷

不著撰人名氏

諸蕃志二卷

宋趙汝适

麟臺故事五卷

宋程俱

南宋館閣錄十卷續錄十卷

宋陳騏

州縣提綱四卷

不著撰人名氏

宋朝事實二十卷

宋李攸

漢官舊儀一卷補遺一卷

漢衛宏

大金德運圖說一卷

金尙書省集議之案牘

廟學典禮六卷

不著撰人名氏

熬波圖一卷

元陳椿

寶刻類編八卷

不著撰人名氏

經幄管見四卷

宋曹彥約

舊聞證誤四卷

宋李心傳

傅子一卷

晉傅元

帝範四卷

唐太宗

儒言一卷

宋晁說之

省心雜言一卷

宋李邦獻

袁氏世範三卷

宋袁采

戒子通錄八卷

宋劉清之

知言六卷附錄一卷

宋胡宏

明本釋三卷

宋劉荀

少學外傳二卷

宋呂祖謙

項氏家說十卷附錄二卷

宋項安世

準齋雜記二卷

宋吳如愚

朱子讀書法四卷

宋張洪齊熙同編

家山圖書一卷

不著撰人名氏

治世龜鑑一卷

元蘇天爵

守城錄四卷

宋陳規在德安禦寇事蹟也

折獄龜鑑八卷

宋鄭克

農桑輯要七卷

元世祖時官撰

農桑衣食撮要二卷

元魯明善

農書二十二卷

元王楙

顧頤經二卷

不著撰人名氏

博濟方五卷

宋王 袞

蘇沈良方八卷

宋沈括所集方書後人以蘇軾之說附之

腳氣治法總要三卷

宋董 汲

旅舍備要方一卷

宋董 汲

傷寒微旨二卷

宋韓祿和

全生指迷方四卷

宋王 貺

衛生十全方三卷奇病方一卷

宋夏 德

衛濟寶書二卷

舊本題東軒居士撰不著名氏

太醫局程文九卷

宋時考試醫學之制

產育寶慶方二卷

不著撰人名氏

集驗背疽方一卷 宋李迅

濟生方八卷 宋嚴用和

產寶諸方二卷 不著撰人名氏

急救仙方六卷 不著撰人名氏

瑞竹堂經驗方五卷 元沙圖穆蘇

周髀算經二卷音義一卷 是書相傳爲古本莫知誰作音義李籍撰

原本革象新書五卷 宋濂序稱趙綵督先生所著

九章算術九卷 不著撰人名氏

孫子算經三卷 不著撰人名氏

術數記遺一卷 舊本題漢徐岳撰

海島算經一卷 晉劉徽撰唐李淳風注

五曹算經五卷

不著撰人名氏

夏侯陽算經三卷

舊本題夏侯陽撰

五章算術二卷

北周甄鸞

數學九章十八卷

宋秦九韶

益古演段三卷

元李冶

皇極經世索隱二卷

宋張行成

皇極經世觀物外篇衍義九卷

宋張行成

易通變四十卷

宋張行成

洪範皇極內外篇五卷

宋蔡沈

大衍索隱三卷

宋丁易東

李虛中命書三卷

舊本題鬼谷子撰唐李虛中注

玉照定真經一卷

舊本題晉郭璞撰張^國注

徐氏珞珠子賦注二卷

宋徐子平

珞珠子三命消息賦注二卷

宋釋曇瑩撰注

三命指迷賦一卷

舊本題宋岳珂補注

星命總括三卷

舊本題遼耶律純撰

月波洞中記二卷

原稱老君記於太白山月波洞

玉管照神局三卷

舊本題南唐宋齊邱撰

太清神鑑六卷

舊本題後周王朴撰

人倫大統賦一卷

金張行簡

寶真齋法書贊二十八卷

宋岳珂

竹譜十卷

元李衍

衍極二卷

舊本題宋東楚湯屋君載撰

元元棋經一卷

宋晏天童

棋訣一卷

宋劉仲甫

墨法集要一卷

明沈繼孫

宣和北苑貢錄一卷附北苑別錄一卷

宋熊蕃撰趙汝礪作別錄

金樓子六卷

梁孝元皇帝

芻言三卷

宋崔敦禮

蘇氏演義二卷

唐蘇舜欽

雲谷雜記四卷

宋張湜

瓊牖閒評八卷

宋袁文

考古質疑六卷

宋葉大慶

穎川語小二卷 宋陳昉

坦齋通編一卷

呂氏雜記二卷 宋呂希哲

石林燕語十卷考異一卷 宋葉夢得

辨言一卷 宋員興宗

常談一卷 宋吳箕

澗泉日記三卷 宋韓澆

敬齋古今雜八卷 元李治

日聞錄二卷 元李穡

元和姓纂十八卷 唐林寶

實寶錄十四卷 宋馬永易

古今姓氏書辨證四十卷 宋鄧名世

帝王經世圖譜十六卷 宋唐仲友

金華子二卷 南唐劉崇遠

賈氏談錄三卷 宋張洎

東齋記事六卷 宋范鎮

珍席放談二卷 宋高晦叟

唐語林八卷 宋王謹

萍州可談三卷 宋朱或

高齋漫錄二卷 宋曾慥

張氏可書一卷 宋張知甫

步里客談二卷 宋陳長方

江淮異人錄二卷 宋吳淑

文子續義十二卷 宋杜道堅

逍遙集一卷 宋潘闓

文莊集三十六卷 宋夏竦

宋元憲集四十卷 宋宋庠

宋景文集六十二卷補遺二卷附錄一卷 宋宋祁

文恭集五十卷補遺一卷 宋胡宿

祠部集三十六卷 宋強至

金氏文集二卷 宋金君卿

公是集五十四卷 宋劉敞

彭城集四十卷 宋劉攽

都官集十四卷 宋陳舜俞

耶溪集三十卷 宋鄭 獬

淨德集三十八卷 宋呂 陶

忠肅集二十卷 宋劉 摯

王魏公集八卷 宋王安禮

濟南集八卷 宋李 鷹

畫墁集八卷 宋張舜民

陶山集十四卷 宋陸 佃

雲溪居士集三十卷 宋華 鎮

滴水集十六卷 宋李 復

學易集八卷 宋劉 跋

西臺集二十卷

宋畢仲游

北湖集五卷

宋吳則禮

溪堂集十卷

宋謝逸

日涉園集十卷

宋李彭

灌園集二十卷

宋呂南公

摛文堂集十五卷附錄一卷

宋慕容彥逢

襄陵集十二卷

宋許翰

東堂集十卷

宋毛滂

浮沚集八卷

宋周行己

竹隱畸士集二十卷

宋趙鼎臣

洪龜父集二卷

宋洪朋

跨鰲集三十卷

宋李新

忠愍集三卷

宋李若水

初寮集八卷

宋王安中

橫塘集二十卷

宋許衡

老圃集二卷

宋洪芻

丹陽集二十四卷

宋葛勝仲

毘陵集十五卷

宋張守

淨溪集三十六卷

宋汪藻

莊簡集十八卷

宋李光

忠正德文集十卷

宋趙鼎

東窗集十六卷

宋張擴

忠惠集十卷附錄一卷 宋翟汝文

樵溪居士集十二卷 宋劉才邵

忠穆集八卷 宋呂頤海

紫微集三十六卷 宋張嶠

東牟集十四卷 宋王洋

相山集三十卷 宋王之道

三餘集四卷 宋黃彥平

大隱集十卷 宋李正民

鄱陽集四卷 宋洪皓

澹齋集十八卷 宋李流謙

灞山集三卷 宋朱翌

雲溪集十二卷

宋郭印

北海集四十六卷附錄三卷

宋蔡崇禮

崧庵集六卷

宋李處權

藏海居士集二卷

宋吳可

茶山集八卷

宋曾幾

蘆川歸來集十卷附錄一卷

宋張元幹

鄧紳伯集二卷

宋鄧深

浮山集十卷

宋仲并

湖山集十卷

宋吳芾

文定集二十四卷

宋汪應辰

唯室集四卷附錄一卷

宋陳長方

漢濱集十六卷

宋王之望

雲莊集五卷

宋曾協

竹軒雜著六卷

宋林季仲

雪山集十六卷

宋王質

方舟集二十四卷

宋李石

香山集十六卷

宋喻良能

宮教集十二卷

宋崔敦禮

蒙隱集二卷

宋陳棣

定庵類稿四卷

宋衛博

澹軒集八卷

宋李呂

尊白堂集六卷

宋虞儔

東塘集二十卷

宋袁說友

涉齋集十八卷

宋許及之

乾道稿六卷

熙稿二十卷 章泉稿五卷

宋趙蕃

止堂集二十卷

宋彭龜年

緣督集二十卷

宋曾丰

絜齋集二十四卷

宋袁燮

定齋集二十卷

宋蔡戡

九華集二十五卷 附錄一卷

宋員興宗

應齋雜著六卷

宋趙善播

芸庵類稿六卷

宋李洪

南湖集十卷

宋張鏞

南澗甲乙稿二十二卷

宋韓元吉

自鳴集六卷

宋 章甫

客亭類稿十五卷

宋 楊冠卿

蓮峯集十卷

宋 史堯弼

昌谷集二十二卷

宋 曹彥約

省齋集十卷

宋 廖行之

山房集九卷

宋 周南

後樂集二十卷

宋 衛涇

性善堂稿十五卷

宋 度正

東山詩選二卷

宋 葛紹體

蒙齋集十八卷

宋 袁甫

鶴林集四十卷

宋 吳泳

東澗集十四卷

宋許應龍

浣川集十卷

宋戴栩

漁墅類藁八卷

宋陳元晉

滄洲塵缶編十四卷

宋程公許

篔窗集十卷

宋陳耆卿

臞軒集十六卷

宋王適

敝帚稿略八卷

宋包恢

冷然齋集八卷

宋蘇泂

淵泉集二十卷

宋韓昉

庸齋集六卷

宋趙汝騰

彝齋文編四卷

宋趙孟堅

拙軒集六卷

宋張侃

靈巖集十卷

宋唐士貽

樛菴集十二卷

宋徐元杰

恥堂存稿八卷

宋高斯得

潛山集十二卷

宋釋文珩

字溪集十一卷附錄一卷

宋陽枋

須溪集十卷

宋劉辰翁

碧梧玩芳集二十四卷

宋馬廷鸞

輦航漫游橐四卷

宋胡仲弓

秋聲集六卷

宋衛宗武

廬山集五卷英溪集一卷

宋董嗣杲

則堂集六卷

宋家鉉翁

百正集三卷

宋連文鳳

自堂存稿四卷

宋陳杰

心泉學詩稿六卷

宋蒲壽晟

拙軒集六卷

金王寂

歸田類橐二十四卷

元張養浩

刺語二卷

元艾性夫

牆東類橐二十卷

元陸文圭

青山集八卷

元趙文

紫山大全集二十六卷

元胡祇通

金淵集六卷

元仇遠

小亭集六卷

元楊宏道

青崖集五卷

元魏初

養吾齋集三十二卷

元劉將孫

雙溪醉隱集三十八卷

元耶律鐸

東庵集四卷

元滕安上

畏齋集六卷

元程端禮

牧庵文集三十六卷

元姚燧

陳秋巖詩集二卷

元陳宜甫

蘭軒集十六卷

元王旭

西巖集二十卷

元張之翰

中庵集二十卷

元劉敏中

王文忠集六卷

元王結

勤齋集八卷

元蕭 爽

渠庵集十五卷

元同 恕

伊濱集二十四卷

元王 沂

積齋集五卷

元程端學

瓢泉吟藁五卷

元朱晞顏

子淵詩集六卷

元張仲深

羽庭集六卷

元劉仁本

吾吾類藁三卷

元吳 棗

性情集六卷

元周 巽

檇隱集六卷

元胡行簡

庸庵集十四卷

元宋 禧

密庵集八卷

明謝肅

臨安集六卷

明錢宰

藍山集六卷

明藍仁

藍澗集六卷

明藍智

樗庵類稿二卷

明鄭潛

鷺湖集六卷

明龔敷

江湖後集二十四卷

宋陳起編

藏海詩話一卷

宋吳可

歲寒堂詩話二卷

宋張戒

環溪詩話一卷

不著撰人名氏

文章精義一卷

宋李耆卿

浩然齋雅談三卷

宋周密

文說一卷

元陳繹會

作義要訣一卷

元倪士毅

附存目一百有六種

古洪範一卷

宋賀成大

春秋握奇圖一卷

金利鸞孫

春秋經疑問對二卷

元黃復祖

春秋合題著說三卷

元楊維禎

春秋透天關四卷

舊本題晏兼善撰

麟經指南一卷

不著撰人名氏

蒙古譯語一卷

不著撰人名氏

華夷譯語一卷 明火源潔奉敕撰

歷代帝王纂要譜括一卷 不著撰人名氏

藝祖受禪錄一卷 舊本題宋趙普曹彬同撰

龍飛記一卷 舊本題宋趙普撰

重明節館伴語錄一卷 宋倪思

誅吳錄一卷 宋張革之

丁卯實編一卷 宋毛方平

平叛錄一卷 宋郭士

孔子世家補十二卷 宋歐陽士秀

孔氏實錄一卷 不著撰人名氏

三蘇年表二卷 宋孫汝聽

東坡年表譜一卷 宋王宗稷

綦崇禮年譜一卷 宋綦 煥

呂忠穆公遺事一卷 不著撰人名氏

呂忠穆公年譜一卷 不著撰人名氏

尹和靖年譜一卷 不著撰人名氏

饒雙峰年譜一卷 不著撰人名氏

許魯齋考歲略一卷 元耶律有尚

辜君政績書二卷 元陶 凱

忠傳四卷 不著撰人名氏

逢辰記一卷 不著撰人名氏

勤王記一卷 舊本題宋臧梓撰

西征道理記一卷

宋鄭剛中

江東地利論一卷

宋陳武

邊防控扼形勢圖論一卷

宋江獻

太常沿革二卷

元任栻

南臺備要二卷

元劉孟保等

寶鈔通考八卷

元武祺

永徽法經三十卷

元鄭汝翼

至正條格二十三卷

元順帝時官撰

金玉新書二十七卷

不著撰人名氏

官民準用七卷

不著撰人名氏

明律三十卷

明太祖時敕修

元內府宮殿制作一卷

不著撰人名氏

十六策一卷

舊題漢諸葛亮撰

江東十考一卷

宋李道傳

南北十論一卷

題許學士撰不著其名

洗冤錄二卷

宋宋慈

政刑類要

元彭天錫

名公書判清明集十七卷

不著撰人名氏

唐律文明法會錄一卷

不著撰人名氏

流注指微賦一卷

元何若愚

水牛經三卷

舊本題唐造父

安驥集三卷

不著撰人名氏

痊驥集二卷

不著撰人名氏

宮_麻刻漏圖二卷

宋王普

翼_玄十二卷

宋張行成

皇極經世書類要九卷

宋鍾邁

漢原陵祕葬經十卷

不著撰人名氏

九天元女六壬課一卷

舊本題唐袁天綱撰

皇極大定動數得一論一卷

元吳正

皇極數三卷

不著撰人名氏

皇極生成鬼經數一卷

不著撰人名氏

九天元妙課一卷

不著撰人名氏

相掌金龜卦一卷

舊本題鬼谷子撰

貴賤定格三世相書一卷

舊本題鬼谷子撰

易衍二卷

舊本題漢東方朔撰

貴賤定格五行相書一卷

舊本題唐袁天綱撰

康節內祕影一卷

舊本題宋邵子撰

九宮八卦遁法祕書二卷

不著撰人名氏

成大定數一卷

不著撰人名氏

洪範政鑿十二卷

宋仁宗御撰

神機相字法一卷

一名景齊字至理集

龜鑑易影皇極數一卷

舊本題郭居敬撰

鳴道集說一卷

舊本題金李之純撰

中說三卷

元敖 剌

有官龜鑑十九卷 元蘇霖

忍經一卷 元吳亮

永鑒錄二卷 明洪武中奉敕撰

歷代駙馬錄二卷 明洪武中奉敕撰

公子書三卷 明洪武中奉敕撰

帝王寶範三卷 明馬順孫

四六膏馥七卷 舊本題宋楊萬里撰

兩漢蒙求十一卷 宋劉班

訓女蒙求一卷 宋徐伯益

八詩六帖二十九卷 舊本題宋王狀元撰不著其名

三場通用引易活法九卷 不著撰人名氏

啟劄雲錦裳八卷 不著撰人名氏

啟劄錦語七卷 不著撰人名氏

啟劄淵海二卷 不著撰人名氏

聚課瓊珠詩對九卷 不著撰人名氏

對屬發蒙二卷 不著撰人名氏

賦學剖蒙二卷 不著撰人名氏

啟劄青錢十八卷 不著撰人名氏

古賦題十卷後集五卷 舊本題天_○己巳古雅劉氏翠巖家塾識

燕丹子三卷 不著撰人名氏

峽山神異記一卷 宋王輔

古今諺一卷 宋周守忠

滑稽小傳二卷

一名滑稽逸傳不著撰人名氏

笑苑千金一卷

舊本題張致和

醉翁滑稽風月笑談一卷

不著撰人名氏

玉堂詩話一卷

不著撰人名氏

桃花源集一卷

宋姚萼編

發蒙宏綱三卷

宋羅黃裳編

大全賦會五十卷

不著編輯者名氏

啟劄錦繡一卷

舊本題清曠趙先生編

中州啟劄二卷

元吳宏道

尺牘筌蹄三卷

元陳桎編

少陵詩格一卷

宋林越

可薩克兵考

俄國可薩克兵亦名喀撒克又名哈薩克非一地也一黑海部之端斯喀科昔書謂之端可薩亦謂之端可沙端以水名端河卽可薩以地名漢安息國海北境魏書所謂西域兩海敦河之間地隋唐屬突厥卽名爲可薩部所謂近西海與波斯大食鄰者實此境也後屬阿速元定西域爲太祖子朮赤所封地今屬俄城郭國一喀復喀斯舊譯爲高加索高架所高加薩漢安息國海東境後屬波斯屬報達屬朮赤屬土耳其今屬俄游牧國有山曰喀卜喀山卽唐書西域傳之波悉山長育番族澆鄙獷悍素號難治俄國一千八百四十年於都城設喀復喀斯科彌階特署專理其事後因民俗漸化其署已

裁凡分爲十六省山之南自拔圖穆以次又別曰雜喀復喀
斯凡曰雜者以後言也所稱高加索尤部曰日爾日曰諾尼
阿曰義米勒多曰明哥里曰是爾灣曰納希斯丹曰亞巴西
亞曰薩加社皆其地也而譯音譌轉不可究詰一與中國通
之哈薩克分左右北三部漢康居國境魏書所謂西域水澤
以南地也後屬突厥屬尤赤又爲回部其左右兩部乾隆閒
屬於我

朝非部先屬俄而左右兩部近亦爲俄所取游牧國也此三
種可薩克壤地相接風俗相同莫不勇敢善鬪七八歲便馳
馬如飛用爲騎卒戰屢克捷遂以紅甲裳俾殊其式而威鄰
敵他族之欲爲騎卒者亦得入其籍焉俄主歲或一幸以撫

昧之使王子遙領提督以矜寵而鼓舞之故凡有戰事及駐邊皆推爲軍鋒亦如我

國昔日之用錫伯索倫也

婦女裹足考

本朝崇德三年七月有效他國裹足者重治其罪之制順治二年又定三年以後所生子女永禁裹足康熙五年又下議政王貝勒大臣九卿科道官員會議康熙元年以後所生之女禁止裹足其禁止之法該部議覆禮部題定元年以後所生之女若有違法裹足者其父有官者交吏兵二部議處兵部則交付刑部責四十板流徙十年家長不行稽察枷一箇月責四十板該管督撫以下文職官員有疏忽失於覺察者

聽吏兵二部議處在案禁令初頒民間不無擾累七年七月都察院左都御史王熙疏言裹足禁令立法太嚴或混將元年以前所生者捏爲元年以後誣妄出首牽連無辜亦未可知相應免其禁止自後弛禁光緒二十七年十二月二十三日奉

慈禧端佑康頤昭豫莊誠壽恭欽獻崇熙皇太后懿旨漢人婦女率多纏足行之已久有傷造物之和嗣後縉紳之家務當婉切勸導使之家諭戶曉以期漸除積習不准官吏胥役藉詞禁令擾累民間如遴選秀女仍由旗民挑取不得采及漢人以示限制將此通諭知之欽此

右禁令

道山新聞云官娘以帛纏足令纖小屈上作新月狀揮麈餘
話云建炎時樞密議官向宗厚纏足極彎長於鈎距王侂戲
之謂腳似楊貴妃言朝鞵過彎上似其時婦人腳也鬼董云
紹興末臨安樊生遊於湖上寺閣得女子履絕弓小張循王
妾履也游宦紀聞云永福鄉有一張姓僧有富室攜少女求
頌僧曰好弓鞋敢求一隻裂其底襯紙乃佛經也其時鞋前
彎故謂之弓宋史五行志云理宗朝宮女束足纖直名快上
馬則束足令直始理宗朝時直則不弓矣吳自牧夢梁錄云
小腳船專載賈客小妓女荒鼓板燒香娼嫂宋時幾以爲婦
人通稱輟耕錄云元豐以前猶少裹足宋末遂以大足爲恥
此南宋時事而嶺外代答云安南國婦人足加鞋鞵游於衢

路與吾人無異所謂吾人今廣西人是宋時嶺外皆不裹足
輟耕錄云程鵬舉宋末被擄配一宦家女以所穿鞋易程一
履是其時宦家亦有不裹足者至金元之制楓窗小牘云汴
京閩閩宣和以後花鞵弓履窮極金翠今虜中閩節復爾瘦
金蓮方瑩面丸徧體香皆自北傳南者是金循舊俗而元時
南人亦有不弓足者湛淵靜語云伊川先生後人居池陽其
族人婦人不纏足蓋言其族女子不肯隨流俗纏足也野獲
編則云明時浙東丐戶男不許讀書女不許裹足是反以裹
足爲貴今徽州○國小戶亦然積習所以難反然明史輿服
志云皇后青鞵舄飾以描金雲龍阜純每舄首加珠五顆皇
妃皇嬪及內命婦青鞵舄皇太子妃鞵舄同命婦九品青鞵

烏宮人則弓樣鞋上刺小金花是貴人不以裹足入制而弓
爲利屣蓋般尖鞞鞋沈德符野獲編云向聞禁掖中被選之
女入內皆解去足紉別作弓樣後遇掃雪人從內拾得宮婢
敝履始信其說不誣黃道周三事紀略云⑤光選婚懿旨以
國母須不束足則明時制度過南宋遠矣是始於南唐盛於
南宋初則賤者裹之繼則縉紳效之七百餘年寢成風俗至
有據武梁祠畫象謂上古卽弓足據古樂府雙行纏曲謂齊
梁卽弓足前人已辨之不贅

右考古

習俗移人始於薰染久之遂根於天性甚至飲食男女亦雷
同附和而胸無獨得之見深可怪也煙草的是何味女子足

小有何佳處而舉世趨之若狂吾以爲戕賊兒女之手足以取妍媚猶之火化父母之骸骨以求福利也悲夫

袁枚願
外餘言

國朝八旗婦女皆不裹足古道猶存其風足尙莊子云天子之侍御不爪揃不穿耳耳尙不穿豈可裹足耶盍請地方大吏出示禁約凡屬貴臣望族以及詩禮之大家俱尊王制其倡優隸卒及目不識丁之小戶聽其自便如以此法行之十年則積習漸除天下萬民皆行古之道矣

錢泳履
園叢話

考古者有丁男丁女惟裹足則失之試看南唐裹足宋不裹足得之宋金閒人裹足元不裹足得之元後復裹足明太祖江北人不裹足得之明季后妃裹足宮人裹足

本朝不裹足得之由是觀之裹足爲不祥之兆明矣而舉世

猶效之何也蓋婦人裹足則兩儀不完兩儀不完則所生男女必柔弱孱女亦柔弱而萬事隳矣

同上

婦人裹足昔人斥之謂以人爲淫具洵然當

國初時曾設厲禁漢臣持之不力遂仍聽民間裹足迄今遂以不裹足者爲醜陋吁可怪也夫殘人支體以娛吾目豈仁者所爲足旣削小無力貧家并自煩勞之事非所能任是廢人矣乃予更有所聞所見而來得不極言其害者當咸豐癸丑後粵賊徧擾江南北各曾吾鄉以多水獲免他省之來吾邑者率多大足婦人而裹足者卒鮮且必皆富貴之家先賊未至出走者也若貧窮之士遷延無計及賊大至而男女踉蹌就道彼婦人自知不良於行未及賊而自盡者有之爲賊

追迫而自死者有之求死不得爲賊所虜脅者有之又或子
爲母累夫爲妻累父母爲兒女累兄弟爲姊妹累駢首就戮
相及於難者指不勝屈歲乙丑予遊皖南每至一村屋宇或
如故而不滿二三十人多者不過百人就中則九男而一女
焉此一女者非必少壯有夫能生育是更二十年而今所謂
九男者或無遺種焉豈不可哀也哉夫自古至今婦女死於
兵者莫可殫述而皆未有知其死之多累於裹足者故予著
之不啻痛哭流涕言之爲天下後世仁人告也

劉恭冕廣
經室文鈔

滿洲自昔無裹足之風予見其婦女出行端重窈窕較漢人
之躡弓鞋步傾倚者轉覺安詳然則創此者真屬多事也因
思我

國家統一中外之初下令雍髮天下莫敢不遵婦女解足之事行之未久爲黃文僖公奏罷斯人眞可謂無識矣蓋慈仁御宇普濟羣生而陰道柔愚不獲救度則後此婦女之揉筋折骨陷於苦海者不知何日始得脫離也予謂當今而不裹足殆四善焉從

聖朝正大樸厚之風無戾俗之嫌一也免婦女幼年慘痛之厄二也得操作奔走以佐男子之事三也提抱嬰孩無傾跌之患四也奈何有此四善不亟亟行之若以爲細故則安民之政細於此者多矣豈通論乎

李元復常談叢錄

右通論

藝風堂文續集卷四